

**TEKS UCAPAN**  
**DATO' PROF. DR. ZUL AZHAR ZAHID JAMAL**  
**NAIB CANSOLOR**  
**UNIVERSITI MALAYSIA PERLIS**  
**SEMPENA PROGRAM PESTA KEBUDAYAAN UniMAP**  
**27 APRIL 2018**  
**DI DEWAN ILMU, PAUH PUTRA**

Bismillah hirrahman nirrahim

Assalamualaikum Warahmatullahi Wabarakatuh,  
Salam Sejahtera, Salam Negaraku Malaysia,  
Salam Ilmu, Keikhlasan, Kecemerlangan UniMAP

**SALUTASI**

Yang Berbahagia Timbalan-Timbalan Naib Canselor UniMAP  
Pegawai- pegawai Utama UniMAP,

Ketua-ketua Jabatan UniMAP

Yang Berusaha Saudara Khor Ghee Hong, Pengarah Program Pesta  
Kebudayaan UniMAP 2018

Barisan Majlis Perwakilan Pelajar UniMAP,

Rakan-rakan media

Seterusnya pelajar UniMAP yang dikasihi sekalian

## **ALUAN KATA**

1. Alhamdulillah, syukur ke hadrat Allah Azza Wajalla atas limpah dan kurniaNya dapat kita berkumpul di malam yang berbahagia ini. Jutaan terima kasih diucapkan kepada pihak penganjur kerana sudi menjemput saya bagi merasmikan Program Pesta Kebudayaan UniMAP 2018.
2. Terlebih dahulu, izinkan saya mengucapkan syabas dan tahniah kepada jawatankuasa pelaksana Program Pesta Kebudayaan UniMAP 2018 serta Majlis Perwakilan Pelajar (MPP) UniMAP kerana telah berjaya menganjurkan Pesta Kebudayaan dalam kampus UniMAP sekaligus memastikan program ini berjalan dengan lancar.

Anak pelajar yang dikasihi sekalian,

## **PROGRAM PESTA KEBUDAYAAN UniMAP 2018**

3. Seperti yang kita sedia maklum, UniMAP amat komited dalam membina kemahiran insaniah di kalangan pelajarinya. Kami di peringkat pengurusan menyokong penuh sekiranya para pelajar ingin menganjurkan sebarang aktiviti atau program. Malah sekiranya para pelajar mengambil inisiatif untuk mengendalikan sepenuhnya sesebuah program itu, ia amatlah digalakkan. Sebagai contoh, program kita pada malam ini iaitu Program Pesta Kebudayaan UniMAP 2018 yang diuruskan sepenuhnya oleh pelajar. Syabas dan tahniah diucapkan.

4. Ini adalah salah satu cara bagi memberi peluang kepada pelajar untuk menimba pengalaman dalam merencana sesebuah program. Ia juga akan membantu meningkatkan penghasilan graduan yang holistik, dan mempunyai kemahiran keusahawanan dan kemahiran lain yang seimbang seperti yang digariskan dalam Pelan Lonjakan Pertama selain mengeratkan hubungan sesama staf dan pelajar.

Hadirin dan hadirat sekalian

5. Kita tidak mahu mewujudkan mahasiswa yang hanya berilmu pengetahuan tetapi mereka ini juga haruslah berketerampilan, berakhlak mulia, bertanggungjawab serta berkeupayaan mencapai kesejahteraan diri dan kemakmuran Negara. Pihak pengurusan yakin bahawa semua ciri ini akan dapat diperolehi melalui pelaksanaan program seumpama ini dan secara tidak langsung dapat membentuk dan menyediakan para pelajar bagi tuntutan pasaran kerja masa kini.
6. Proses pembelajaran ini akan menjadikan mereka lebih rasional terhadap sesuatu perkara yang dilalui di samping menjadikan mahasiswa lebih dinamik dan berwibawa.
7. Apa yang saya dapat lihat, dalam merencana program ini, ianya tidak diadakan semata-matanya untuk mengumpul warga UniMAP dalam sesuatu program semata, tetapi ianya

lebih kepada peluang untuk mengekspresi dan mengeksplorasi perspektif sesama warga Malaysia dalam konteks budaya kaum Cina dan juga budaya kaum lain.

8. Di kesempatan ini saya ingin menyeru para pelajar untuk mengambil peluang ini untuk menimba ilmu dan pengalaman sebanyak mungkin, kerana ia amat berguna di alam pekerjaan nanti.

Para pelajar yang dikasihi sekalian,

### **PENUTUP**

9. Rasanya tidak perlulah untuk saya berucap dengan lebih panjang lagi. Saya pasti anda semua sudah tidak sabar untuk menyaksikan pelbagai persembahan menarik yang disediakan pada malam ini.
10. Oleh itu, saya sekali lagi ingin mengucapkan syabas dan tahniah kepada semua pihak yang terlibat dalam menjayakan program ini sama ada secara langsung mahupun tidak langsung.

Dengan lafaz, Bismillahirrahmannirrahim, saya dengan rasa sukacitanya merasmikan Program Pesta Kebudayaan UniMAP 2018 yang bertema The “Good Old Times”.

Sekian

Wassalamualaikum Warahmatullahi Wabarakatuh.